

Zeitschrift: Le nouveau conteur vaudois et romand
Band: 79 (1952)
Heft: 10

Artikel: Nos linguach vadrüsch plidais
Autor: Cordey, Jules / Marc
DOI: <https://doi.org/10.5169/seals-228242>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>

Nos linguach vadrüsch plidais

I

Cur cha Dieu s-chaffit il muond,
ch' el vezzet il sögl vadais,
s' dschet el : « Quist am plascha zuond,
quist ais il plü bel pajais ;
qua la glioud stan chod e bain,
tschancunats illa muntagna ;
qua vögl metter ils Vadais
ed in quist sulom d' cucagna
il patuà 's dess far palais. »

II

Da quel di, in tuots cumüns
(gnand dal lai infin süil ot
pro'ls plü povers convaschins,
là nua's dan la buna not
vuolps, s-chürats e corvigliam),
noss babuns cun lur superbia
— tuot respet per quists Vadais —
fand be schnöss da lur misiergia,
lur patuà han fat palais.

III

Lur linguach quel d' eira crü
sco lur trimmas e vachom,
el tunaiva tuot grignü,
ferm sco d'ün graschaint il clom !
Un linguach viersus e cregn
chi l'uraglia sdrugli' e clocca
e chi staiv' a noss Vadais
sco la chonva sülla rocca,
nos linguach vadrüsch plidais !

IV

El pizzet our d' nossa terra
sco la früa d' prad' ed ers.
La ragisch in jonda dera,
a sumbriva da fruos-chers.
El plü leid co ün fringuel
sa chanzun in nus chantaiva :
« Tegna 'm char, sia bun Vadais ! »
A, quai d'eira cur tschantschaiva
nos linguach vadrüsch plidais !

V

Dal pajais l' eir' il büschmaint,
l'eir' il büt da la manzina,
e dal cult l'aröv ardaint
ed il fol da la fuschina.
L'eir' il trat da la masaina
chi plain meil rinforz ans dâ.
A las boccas dals Vadais
l'eira propi adattà
nos linguach vadrüsch plidais !

VI

Las bronzinas dals armaints
e las cuts aint ils cuzers,
l'au' inscul giò dals standschaints
la manera da mögliers,
la charrücla chi fa schlernas
ed il vin s' s-chüernand d'la buot —
Qua sün nos sulom vadais
ils plaschairs da di e not
in patuà as fan palais !

VII

D'ün dandet... che mâ capita ?
Povra verva, tegna 't bain !
Els at vöglian tour la vita
e tü vainst adün' al main.
Tuot chi 't spetta be per via
per at dar üna megl'drada.
Vezzast ? — Il « frances-vadais »
quel t' ha dat la bastunada !
Tü dast giò — plain sang — distais !

VIII

Luot, luottin, la veglia verva
ais malada bel et bain,
ferma feivra t' illa schnerva,
Segner l'ais sternüd' in rain !
I s'as sto vagliar pro ella.
Fat svelt ir pel ravarend,
trat las tendas, chars Vadais,
cha voss' orma va davent :
Noss verva — mort' ell' ais !...

Tista Murk, d'après Jules Cordey
(voir *Por la Veillâ*)